

Միջին դարերում հաշնի իշխանությունը կարևորագույն դեր է խաղացել Արցախ նահանգի Առանշահիկ նախարարական տունը դիմացավ պարսկական ու արարական տիրապետության փորձություններին, իսկ սելջուկյան բռնագրավումների շրջանում ամրացավ նահանգի լեռնային ու նախալեռնային մասերում և լուրջ դիմադրություն էր ցույց տալիս եկվոր բռնակալներին:

Թաթար-մոնղոլական արշավանքների նախընթացին հաշնի (նախկին Արցախի) իշխանությունն արդեն բաժանված էր երեք ճյուղի՝ Ներքին հաշնի կամ Խոխանաբերդի տերեր, Հաթերքցիներ և Մարեցիներ: Իշխանության երեք ճյուղերի ներկայացուցիչները գիտակցում էին իրենց տոհմակցությունը և ենթարկվում էին գահերեց իշխանապետին: XII դ. վերջին ու XIII դ. սկզբին ամբողջ հաշնի տարածքում՝ Սեանի ափերից մինչև Գանձակի մատույցները՝ ղահերեցը կամ Մխիթար Գոշի խոսքով՝ «գլխաւոր ալլոց իշխանացն» էր Հաթերքի տեր Վախտանգը, որի հայրենաշեն գործունեությունը հայտնի է պատմական աղբյուրներից և հատկապես նրա հովանավորյալ Մխիթար Գոշի հիշատակարաններից: Վախտանգի մահվանից հետո և հատկապես Թաթար-մոնղոլական արշավանքների շրջանում փոխվում է պատկերը. գահերեցությունն անցնում է Ներքին հաշնի տեր Վախտանգի շրջահայաց որդի Հասան-Ջալալ Իոլային, որն իրեն կոչում էր՝ «բնակաւոր (բնիկ—Բ. Ու.) ինքնակալ բարձր և մեծ Արցախական աշխարհի, Թագաւոր Խախանաբերդի՝ յոթնասահման նահանգաւք»¹, Հասան-Ջալալի Թագավորական տիտղոսն ընդունում էին ինչպես հայ մյուս ավատատերերը², այնպես էլ օտարները³:

Հասան-Ջալալի ողբերգական վախճանից (1261 թ.) հետո Ներքին հաշնի իշխանությունը ժառանգում է նրա որդի Աթաբակը, որի իշխանապետության օրերում Թաթար-մոնղոլները տիրել էին ամբողջ Անդրյովկասին: Տեղական իշխանություններն այլևս չունեին վաղեմի հզորությունը, ջանում էին լելու դտնել նոր տիրակալների հետ և իրենց տիրույթները փրկել կողոպուտից ու ավերածություններից: Խաշնն ու հարևան լեռնային և նախալեռնային գավառները, որոնք Հայաստանի համար պատվարի դեր էին կատարում

¹ Տե՛ս Գանձասարի վանքի շինարարության վերաբերող մեծ արձանագրությունը՝ տաճարի ներսի հյուսիսային պատի վրա:

² «Արարատ», 1896, էջ 81, 234, «Բանասեր», 1901, հ. III, պրակ Բ, Գ, էջ 135, Մ. Բար-նուտարևանց, Արցախ, Բաղու, 1885 (այսուհետ՝ «Արցախ»), էջ 189:

³ Миклухо-Маклай Н. Д., «Географическое сочинение XIII в. на персидском языке». Ученые записки института Востоковедения, т. IX, 1954, стр. 204. Այստեղ պարսկալեզու տարեգիրը վկայում է, որ «Խաշնը՝ դժվարամատչելի մարզ է, լեռների ու անտառների մեջ, Այն Առանի նահանգներից է: Այնտեղ հայեր են (բնակվում): Ար-խազի (Վիրքի) մարդիկ նրանց փաղիշահին կոչում են Թագավոր»:

արևելքից եկող ավերիչ հորդանների դեմ, XIII դ. ցնցող մի շարք հարվածներից հետո, XIV դ. շատ էին թուլացել և այլևս անզոր էին գիմադրելու օտար ասպատակիչներին:

Ջլատվել էին նաև տնտեսական ու մշակութային ուժերը: Համարյա ոչինչ չէր կառուցվում: Երկրի երբեմնի բարեշեն գյուղաքաղաքներն ու բերդամրոցները կիսավեր վիճակում էին, վանքերում ու եկեղեցիներում այլևս չկար նախկին խլրտուն հոգևոր կյանքը: Այս համընդհանուր ողբերգական վիճակի մասին կցկտուր տեղեկություններից բացի, դժբախտաբար, մենք ժամանակի հայ իշխանությունների քաղաքական կյանքը հանգամանորեն ներկայացնող տեղեկություններ չունենք: Սրանով պիտի բացատրել մի թյուրիմացություն, որ ընդունված է պատմագիտության մեջ և աղավաղում է հաշենի իշխանության իրական պատկերը XIV դ.: Թյուրիմացության ակունքը Կարապետ Եպիսկոպոսի (Կարապետ Տեր-Մկրտչյան) մի եղրակացությունն է, որի համար անառակելի հիմքեր չեն վկայակոչված, և հենց այդ պատճառով ինքը՝ ռուս մասիրտոյն էլ իր կարծիքը հրապարակ էր հանել կասկածով ու թերահավատությամբ: Խաչենի իշխանության մի ճյուղի՝ Մարա տեր Դոփյանների քաղաքական պատմությանը նվիրած իր հետազոտության մեջ նա այն կարծիքն էր հայտնել, թե «...Հասան Ջալալ Դուլա իշխանից, մանավանդ նորա որդի Աթաբակից հետո՝ ԺԳ դարի վերջում, այս տոհմի իշխանությունը նսեմացած է երևում»⁴, Ապա՝ «...ԺԵ դարու վերջի արձանագրությունները ցույց են տալիս, որ այս տոհմը կրկին զորացել էր Խաչենում, մանավանդ ժառանգական դարձնելով իր մեջ Գանձասարի կաթողիկոսությունը»⁵:

Մի կողմ թողնենք այն հանգամանքը, որ այստեղ պատճառն ու հետևանքը փոխել են իրենց տեղերը. Գանձասարի կաթողիկոսությունը Հասան-Ջալալյանների ժառանգական արտոնությունն էր դարձել այն պատճառով, որ այդ տոհմի իշխանավորները հզոր էին ու նվաճեցին կաթողիկոսությունը և ոչ թե ժառանգեցին ու դրանով էլ զորացան:

Աղբյուրագիտական ի՞նչ հիմքեր էր առաջարկում Կարապետ Եպիսկոպոսը՝ ի հաստատումն XIV դ. Հասան-Ջալալյանների նսեմանալու մասին իր կարծիքի: Նախ՝ որ Գանձասարի XIV դ. վիմական արձանագրություններում հանդիպել է Դոփյան տոհմին հատուկ անունների՝ Ուլուբեկ, Սալտուն, Այտին, Շահանշե և այլն⁶: Ապա՝ «որ արդեն Դոփյան Հասան Բ-ի օրերից ի վեր նորա կալվածների շարքում է հիշվում Ականա բերդավանդը⁷, եվ, վերջապես, որովհետև «Կեչառեցու ողբի մեջ ուրիշ հայ իշխանների թվում այս տոհմից (Հասան-Ջալալյաններից—Բ. Ու.) ոչ ոք չի երևում. յուստի զարմանալի չէ, եթե սահմանակից Դոփյանները հառաջացած լինեին նաև նոցա կալվածներում»⁸:

Դժվար չէ նկատել, որ հետազոտողի վկայակոչած երեք կովաններից ոչ մեկը կամ էլ երեքը միասին՝ ի զորու չեն հաստատելու, թե XIII դ. վերջից մինչև XV դ. վերջը Հասան-Ջալալյան իշխանական տունը նսեմացած էր:

⁴ Կարապետ Եպիսկոպոս, Դոփյանք և Մելիք-Շահնազարյանք. նյութեր հայ մելիքության մասին, պրակ Բ, էջմիածին, 1914 (այսուհետ՝ «Դոփյանք»), էջ 93:

⁵ Նույն տեղում, էջ 94:

⁶ Դոփյանք, էջ 93:

⁷ Նույն տեղում:

⁸ Նույն տեղում:

Գանձասարի վիճակներից քաղված անունները միայն Դոփյան իշխանադոմներին չէին հատուկ, իսկ, որ ավելի կարևոր է ու քիչ հետո կտեսնենք, նշված անունները հենց Հասան-Ջալալյաններին էին և ոչ թե Մարա Դոփյաններին:

Ակսնա բերդավանը Մարեցիների արձանագրություններում նրանց հայրենի սեփականությունն է հայտարարված XIV—XV դդ., որովհետև այն գտնվում էր Մարա տարածքում (Թարթառ գետի վերին ավազանում): Եվ եթե Կիրակոս Գանձակեցին, խոսելով Հասան-Ջալալի տիրույթների մասին, հիշում էր նաև Ակսնան⁹, ապա սոսկ այն պատճառով, որ Հասան-Ջալալն ամբողջ հաշիվի, նույնիսկ ավելի մեծ նահանգի՝ Արցախի, գահերեց տերն էր համարվում: Ինչ վերաբերում է հաշատուր Կեշառեցու ողբում թվարկված անունների շարքում Հասան-Ջալալյանների բացակայությանը, ապա գա ևս լուրջ հիմք չի կարող համարվել, քանի որ Կեշառեցին «Ողբում» հիշում է իր ժամանակի XIII դ. վերջում¹⁰ արդեն վախճանված կամ նահատակված լուկ մի քանի իշխանների և ոչ թե Հայաստանի բոլոր նշանավոր ավատատերերին¹¹:

Կարապետ եպիսկոպոսի այս կարծիքն ընդունել են մեր մի շարք պատմաբաններ: Օրինակ, XIII—XIV դդ. Հայաստանի քաղաքական ու սոցիալ-տնտեսական պատմության մասնագետ Լ. Հ. Բաբայանը համաձայն է նրա հետ և գրել է. «1282 թ. հետո Հասան-Ջալալի տոհմի մասին ոչ մի հիշատակություն չկա: Կարծում ենք՝ իրավացի էր Կարապետ եպիսկոպոսը, երբ գրում էր. «Հասան-Ջալալի տոհմի իշխանությունը, նրա որդի Աթաբակի մահից հետո՝ XIV դ., թուլացել էր և, ամենայն հավանականությամբ, նրանց տիրույթներն անցել էին Դոփյաններին: Հետագայում, XV դ. վերջում, այդ տոհմը նորից զորացել էր»¹²:

Այդ կարծիքին է հետևում նաև երիտասարդ ուսումնասիրող Գ. Կիրակոսյանը, որն այս առթիվ վերջերս գրել է. «Սկսած 1282 թ. մինչև 1383 թ. աղբյուրներում Հասան-Ջալալյանների մասին հիշատակությունների չենք հանդիպում...», ապա անդրադառնալով Կարապետ եպիսկոպոսի հայտնած ենթադրությանը, ավելացնում է. «Այս միտքը (Կարապետ եպիսկոպոսի ենթադրությունը.—Ք. Ու.) հաստատում են XIV—XV դարերում Դոփյանների թողած որոշ արձանագրություններ, որոնցում Դոփյան իշխաններն իրենց տեր են համարում Ակնա, Հանդաբերդի, Հաթերի, հաշիվի և այլ վայրերի: Հարյուրամյա լուծությունից հետո, 1383 թ. սկսած, ժամանակի աղբյուրները նորից սկսում են խոսել Ջալալյանների մասին»¹³:

Աղբյուրների ուշագրի քննությունը, սակայն, ցույց է տալիս, որ, ճիշտ է, թաթար-մոնղոլական տիրապետության հաստատումով թուլացել էր Ներքին հաշիվի իշխանությունը (ինչպես և հայկական մյուս մեծ ու փոքր բոլոր իշխանությունները), բայց և այնպես Հասան-Ջալալյանները կային ու մնում

⁹ Կիրակոս Գանձակեցի, «Պատմություն հայոց», Երևան, 1961, էջ 359:

¹⁰ Գարեգին կաթողիկոսը փաստարկելով հաստատել է, որ Կեշառեցու ողբը գրվել է 1295 ու 1298 թթ. արանքում (տե՛ս Գարեգին կաթողիկոս, «Սոցիալական կամ Պոպուլյար հայոց պատմության մեջ, Անթիլիաս, 1969, էջ 176):

¹¹ Տե՛ս Գ. Ալիշան, Հայապատմ., Վենետիկ, 1901, էջ 527:

¹² Л. О. Бабалян, Социально-экономическая и политическая история Армении XIII—XIV века, М., 1969, стр. 189.

¹³ Գ. Կիրակոսյան, Հասան-Ջալալյան իշխանական տունը XV դարում (Հրաբեր, հաս. գիտ., 1969, № 5, էջ 88):

առաջնորդ Հովհաննեսն է Հասան-Ջալալի եղբայր Իվաննի որդին էր։ Այդ նա էր, որ դեռևս Աթաբակի օրոք և նրա հրամանով 1271 թ., վանքի առաջնորդը լինելով, վանքի համար իր «հալալ արդեանցով» գնեց Վարդանաթաղը (թե՛ «Վարնդաթաղը»), «մին չորեքշաբթի» և այլ ընծաներ։ Նա հենց այս արձանագրության մեջ ներկայանում էր որպես «Յոհաննես որդի Իվաննի»¹⁹։

Նվ կարևորն այն է, որ իշխանագուն Հովհաննեսի եպիսկոպոսությունը մի պատահական երևույթ չէր. հետագայում արդեն Գանձասարի ու Մեծառանից ու Հակոբա վանքերի առաջնորդներ պիտի ձեռնադրվեին բացառապես Հասան-Ջալալյան տոհմի ներկայացուցիչները։

Ջալալ իշխանի հետագա կյանքի մասին մեր ձեռքի տակ տեղեկություններ չկան։ 1361 թ. արդեն իշխանության գլուխ էր կանգնած մեկ ուրիշը՝ Մեծ Դորդորյաթ Իվաննի, «Թվ. ՊԺ (1361) իշխանութեամբ Մեծի Իվաննի ես տէր Կոստանդ մեծ փափագանաւք գնեցի զանգականիս (զանգակները.— Բ. Ու.), սուրբ ուխտս բերի»²⁰։

Իվաննի Մեծի մասին, դժբախտաբար, ուրիշ տեղեկություններ չունենք։ Սակայն դժվար չէ նրան տեղավորել Հասան-Ջալալյանների տոհմացանկի մեջ իրեն վերապահված օղակում, այսինքն՝ համարել Ջալալ Մեծի որդին, քանի որ վերջինս ավագ որդուն պետք է կոչեր իր հոր անունով, իսկ Ջալալի հոր անունը, ինչպես հայտնի է մի բարձրարժեք ձեռագրի հիշատակարանից, Իվանն է եղել և միայն հետագայում լրացուցիչ կերպով է կոչվել Աթաբակ։ Ջալալ Մեծի պապ Հասան-Ջալալը իր կողակից Մամբանի և միակ արու զավակի՝ Մոնղոլիայի մայրաքաղաք Կարա-կորում գնալ-գալու մանրամասներն է պատմել իրենց տոհմական սեփականությունը հանդիսացած ձեռագրի (Մաշտոցի անվան Մատենադարանի ձեռագիր № 378, թ. 8բ—9ա) հիշատակարանում։ Այստեղ նա երկու անգամ հիշատակում է որդու անունը. առաջինում՝ «ես եւ ամուսին իմ Մամբան եւ տեառնատուր մանուկս իմ Աթաբակ չոպաք ընդ արեւելս հիւսիսոյ...», երկրորդում՝ «...պարզեւ զխաղաղութիւն հոգոյ և մարմնոյ և միոյ մանկանս իմ Իվանի...»։

Ինչպե՞ս է պատահել, որ իսկապես իշխանն իր միակ տղային կոչել է և՛ Աթաբակ, և՛ Իվաննի։ Այս հարցին կարելի է պատասխանել միայն Հասան-Ջալալի անբրձագ, Վրաց թագավորության Աթաբակ Իվաննի Զաքարյանի հանգամանքով։ Հասան-Ջալալի միակ արու զավակը ծնվել է այս Իվաննի փառքի ամենածաղկուն օրերում և, պարզ է, կոչվել է քեռու անունով՝ Իվաննի։ Սակայն Զաքարյան Իվաննի անունից անբաժան է եղել և նրա տիտղոսը՝ աթաբակ, որ նշանակում է թագավորազնի հայր, դաստիարակ և թագավորության գործերի կառավարիչ։ Ամենայն հավանականությամբ, նորածին Իվաննին ևս, ըստ սովորության, կոչել են այդպես՝ Աթաբակ Իվաննի, ուր «աթաբակ»-ն արդեն ոչ թե տիտղոս էր, այլ անվան մաս։ Իսկ հետագայում ներքին կարող էին կոչել և՛ Իվաննի, և՛ Աթաբակ, ինչպես որ հայր Հասան-Ջալալին էին կոչում ինչպես միայն Հասան, այնպես էլ միայն Ջալալ։

Հետո կտեսնենք, որ Հասան-Ջալալի որդին հետնորդների հիշողության մեջ երկու անվամբ էլ հայտնի էր. եթե թուր կոչվում էր Իվաննի, ապա սրա հետնորդների համար ավելի նախընտրելի էր Աթաբակ անունը։

¹⁹ «Գանձասար», № 10։

²⁰ «Գանձասար», № 18։

Ամեն պարագայի՝ Ջալալ Մեծն իր ավագ որդուն կոչել էր պապի անունով՝ Իվանե, և սա էլ իր ավագ որդուն պիտի կոչեր պապ Ջալալի անունով։ Այդպես էլ եղավ։ XIV դ. վերջին արդեն Ներքին խաչենի իշխանն էր Իվանե Մեծի (Բ) որդին, որին ժամանակագիրը պատվում է «պարոն» տիտղոսով։ «ՊԼԲ-ն (1383) էր, մեհեկի ամսի ԻԶ-ն (26) էր²¹, որ կազմեցաւ, որ է սուրբ աւետարանս Մեծակողմանց խաչինոյ եպիսկոպոսարանէն մայրաքաղաքէն, իշխանությամբ պարոն Ջալալին, եպտութեամբ տէր Գրիգորին Գեռաքարեցիին»²²։

Ուշադրության արժանի է Գրիգոր Գեռաքարեցու առաջնորդ լինելը Մարա իշխանության հոգևոր կենտրոն խաթրավանքում (Մեծկողմանց եպիսկոպոսարանում)։ Գեռաքարեցիք, ինչպես համոզիչ հաստատել է Գարեգին կաթողիկոսը, Ներքին խաչենի տերերից էին, Հասան-Ջալալյանների ու խաղբակյանների մերձավոր տոհմակիցները²³։ Վկայակոչված փաստը խոսում է այն մասին, որ Ներքին խաչենի իշխանության հոգևոր ազդեցությունը ևս տարածված էր Վերին խաչենի կամ Մարա տարածքի վրա։ Սակայն տվյալ պարագային մեզ համար առավել կարևորը Մարա հոգևոր կենտրոնում ընդօրինակված ձեռագրի բովանդակությունն է։ Հիշատակագիրն այստեղ առաջին հերթին հիշեցնում է պարոն Ջալալի իշխանությունը։ Դա աներկբաբորեն նշանակում է՝ տեղի իշխանները ստորադասված էին Ներքին խաչենի տեր Ջալալին։ Իսկ մենք գիտենք, որ այս ժամանակներում Մարա իշխանն էր Հասան Մարեցին, ըմբոստ ու հայրենասեր այն իշխանը, որն իր գերդաստանի շատ անդամների հետ միասին նահատակվեց 1387 թ. և մտավ Գրիգոր Մերենց խաթրեցու հայտնի չափածո վիպասանության մեջ²⁴։

Ուրեմն, XIV դ. երկրորդ կեսում ևս Ներքին խաչենի իշխանությունը ոչ միայն նսեմացած չէր կամ նրա ներկայացուցիչն ստորադասված չէր Մարա տեր Դոփյաններին, այլև գահերեց էր վերջիններիս և նույնիսկ մի այնպիսի նշանավոր իշխանի հանդեպ, ինչպիսին Հասան Դոփյանն էր, որի մասին, ի թիվս լանկ-Քամուրի նահատակած հայ ապստամբ իշխանավորների, Գրիգոր խաթրեցին գրել է՝

21 «Մեհեկի» հին հայկական տոմարի VII ամիսն էր, որը համապատասխանում էր հունվարի կեսից մինչև փետրվարի կեսն ընկած ժամանակին։

22 Մաշտոցի անվան մատենադարան, ձեռ. № 6288, Թ. 112ա, ՆՄԺԽ. Արցախ, էջ 263։

Ավետարանի այս և նախորդ ու հաջորդ հիշատակարանները, ձեռագրի հանգամանալից նկարագրությունն ու քննությունը տե՛ս Գ. Բ. արքեպ. Հովսեփյան, Հաղբատի դպրոցի մի գլուխ գործոց (Գետաչենի ավետարանը)։ «Նյութեր և ուսումնասիրություններ հայ արվեստի և մշակույթի պատմության», պրակ Ա, Նրուսադեմ, 1935, էջ 41—75)։

Այս ավետարանը՝ գրված XIII դ. սկզբին (1211 թ.) Հաղբատավանքում, 1223 թ. Անիում գնել է ոմն Սարգիս և Հասան-Ջալալի իշխանությամբ բերել ու նվիրել իր սննդյան (ուսման և դաստիարակության) տեղի Մեծկողմանց եպիսկոպոսարանին՝ խաթրավանքին (այժմյան Վաղահաս գյուղից 6—7 կմ հյուսիս-արևմուտք, Քարթառի աջ ափին, թավուտ անտառով ծածկված մի բլրի վրա)։ Վերոհիշյալ հիշատակարանը գրվել է 1383 թ. մեհեկի 26-ին, ավետարանը վերակազմելու և նորոգելու առթիվ։

Մ. Բարխուտարյանը հիշատակարանի «եպիսկոպոսարանէն մայրաքաղաքէն» կապակցությունից ենթադրում էր, թե «այդ ժամանակներում եպիսկոպոսանիստ աթոռն եղած լինի մեզ ծանոթ մայրաքաղաքին մեշ» (Արցախ, էջ 263, ծան. 2)։ Սակայն հայտնի է, որ հաճախ մայրաքաղաք էին կոչվում բոլոր խոշոր վանքերը, կարևոր եպիսկոպոսանիստները։

23 Տե՛ս Գ. Բ. արքեպ. Կաթողիկոս, Խաղբակյանք, էջ 14—17։

24 Ժե դարի հայերեն ձեռագրերի հիշատակարաններ, մասն առաջին (1401—1450 թթ.), կազմեց Լ. Ս. Խաչիկյան, Նրևան, 1955 (այսուհետ՝ «ԺԵ, Ա»)։ էջ 275—276։

Այլ և զՀասանն Ծարեցին
 Երեւ որդւովն գեւեցին.
 Չի ըզնոցին ամուրն առին
 Եւ զբազումս գերեցին²⁵:

Խաչնի իշխանապետական այս վիճակը չփոխվեց նույնիսկ XV դ. Դարակորին Լանկ-Թամուրի հրոսակներին փոխարինելու եկան կարա-կոյունլու թուրքմենները, որոնք իրենց առաջնորդ Կարա-Յուսուֆի գլխավորությամբ ոչնչացրին թամուրյան պետության ժառանգորդների իշխանությունը և հաստատեցին իրենցը, որը պետք է տեւեր ավելի քան 50 տարի (1407—1468 թթ.)²⁶։ Կարա-Կոյունլուների տիրապետությունը մի աննախագիշտ շարիք էր Լեւոնյան Հայաստանի և հատկապես խաչնի համար։ Գանձասարի վանքի առաջնորդ, վարդապետ և դրիշ Մատթեոս Մոնոզոնը²⁷ սրտի կսկիծով արձանագործում էր, թե «դառնացաւ ժամանակս, և թագաւորեաց ոմն թուրքման»՝ անունն Ուսուֆ, դի ճանաչիր ըստ թույլ տալոյն աստուծոյ լինել կշտամբիչ, ըստ այնմ թէ զշարսն կորուսցէ, դի ի բառնալ գազանին շորրորդի Թամուրն կոչեցաւ Կազն, բռնացեալ Ուսուֆն... Վայրենացեալ զինուորք նորա ուր և հասանէին, որ զընտանիսն գիտեն և ոչ զօտարսն, թալանեն և կոփեն զձեռնհասն իւրեանց, թէ ի ճանապարհին, թէ ի տան, թէ առանձին, թէ քաղաքի, և այսոյս ոչ կայլ թիւ աղաղակի մերոյ... Եւ դեռես ի տարակուսի եմք՝ ոչ գիտելով, թէ յառաջիկայսն զի՞նչ ծնանի մեղ և կամ թէ որպե՞ս տի զերծանիմք զայսպիսի դառն նեղութեանցս...»²⁸։

Մատթեոս Մոնոզոնի հիշատակարանը 1417 թ. է և արժեքավոր տեղեկություններ է հաղորդում նաև ներքին խաչնի նախորդ տարիների վիճակից։ Նա պատմում է հարեան հայկական գավառներին հասած շարիքները, վկայում, որ հայ իշխանությունները քայքայվել էին օտար բռնակալների տիրապետության ներքո, և իշխանավորներն իրենց խեղճ գոյությունն էին քարշ տալիս «ընդ ձեռամբ անօրինաց»։ «Իսկ տանն խաչնոյ բարեպաշտ ոմն կայր՝ Զաղայ անուն, այն փոխեցսւ յաստեացս, և մնացեալքն յազգէ սորին՝ Զալալն է։ որդիքն նորին և որդիք Զաղային՝ Արղութէն և Զալալադալէն, և եղբարւք նորին էլէզումն և էլէգանն է՛ն ի ներքոյ ձեռին անօրինացն. և այսպես սկսեալ է իշխանութիւն տանս Հայկազեան»²⁹։

Մատթեոս Վարդապետի հիշատակարանի համաձայն՝ 1417 թ. ներքին խաչնի իշխան Զաղան արդեն վախճանված էր, իսկ մեղ ծանոթ Զալալ Մեծը, ինչպես և նրա ու Զաղայի որդիները գտնվում էին «ի ներքոյ ձեռին անօրինացն», որ հավանաբար, նշանակում է՝ հպատակ էին կարա-կոյունլու տիրութեանը։

²⁵ «ԺԵ, Ա», էջ 275—276։

²⁶ Լ. Ս. Խաչիկյանը թամուրյան Արու-Բաքրի պարտությունը Կարա-Յուսուֆից զնում է 1406 թ. առկ (տե՛ս «ԺԵ, Ա», էջ X)։ Տաթևի գրիչ Հովհաննեսը Յուսուֆի զահակալության սկիզբ է համարում 1407 թ. «...եկեալ ի վերա սորա (Յուսուֆի—Բ. Ու.) թոռն Թամուրն կոչեցաւ Արու-Բաքր, և Յուսուֆս տիւրէ թագաւորութեան ի Բվականիս Հայոց ՊԾՁ (1407)»-ի, մարերի ամսոյն ի ին (25), մայիսի ամսոյն Թ (9) (տե՛ս «ԺԵ, Ա», էջ 82—83)։ Այս տարին է հիշում նաև Տաթևի մի այլ գրիչ՝ Մատթեոս վարդապետը (նույն տեղում, էջ 76)։

²⁷ «Գանձասար», № 19։

²⁸ Մաշտոցի անվան Մատենադարանի ձեռ. № 8689, ք. 89ա, բ, Հմմտ. «ԺԵ, Ա», էջ 194—195։

²⁹ Նույն տեղում, ք. 88բ, «ԺԵ, Ա», էջ 194։

Ջազան իշխանության գլուխ էր կանգնած դեռևս 1407 թ., թերևս նրանից առաջ էլ, 1407 թ. ունենք Մեջլիսի որդի Ուլուբեկի արձանագրությունը, ուր ասվում է. «զիմ հայրենի հողն Ղուղտանոսի կտուրն, որ ի վարդան բերանց է իւր սարհատան ի սուրբ ուխտս Գանձասարայ իմ հոգւոյ յիշատակ յառաջնորդութեան Մատթեոս վարդապետին և իշխանութեան Ջազին»³⁰:

Մեջլիսը Ջալալի որդիներին էր³¹, որը դեռևս 1383 թ. իր հայրենի նահանգի իշխանն էր և այս արձանագրությունից 10 տարի հետո էլ կենդանի էր՝ օտարների տիրապետության ներքո՝ Ջալալը մահացել է 1431 թ., երևի խոր ծերությունից՝ Գանձասարի վանքի գավթում է գտնվում նրա շիրմաքարը՝ հետևյալ կարճ տապանագրով. «Այս է հանգիստ Մեծին Ջալալի, աղաւթս յիշեցէք թվ. 72»³²:

Դառնանք այն հարցին, թե ովքե՞ր էին Գանձասարի վիճակագրում հիշատակված Ուլուբեկը, Այտինը, Սեյտին (Մատոն) և Շահանշեն, որպիսի անունները Կարապետ եպիսկոպոսին թվացել են հատուկ միայն Մարա Դոփյան իշխանազուններին, և այս հիմքի վրա էլ հետազոտողը եզրակացրել է, թե XIV—XV դդ. Գանձասարն ու շրջականները գտնվում էին Դոփյանների տիրապետության տակ:

Ահա Ուլուբեկի ինքնահորջորջումը մի հիշատակարանից, որով հաստատվում է, որ նա Հասան-Ջալալյան տոհմից է, Աթաբակ Բ-ի որդի Ջալալ Մեծի որդին. «Ուլուպէկս՝ որդի Մէջլիսին, թոռն Մեծին Ջալալին...»³³: Այս հիշատակարանը գրվել է 1456 թ.՝ Հասան-Ջալալյանների միջև բացված հողային վեճի առիթով³⁴:

Շահանշեն Հասան-Ջալալյան Ջազայի հետնորդներից էր. նա իրեն ներկայացրել է այսպես. «Ես Շահանշէս՝ որդի Մեհրապին, թոռն Արղութինի»³⁵: Եվ ըստ Մատթեոս Մոնոզոնի հիշատակարանի՝ Արղութինը Ջազայի որդին է եղել³⁶:

Այտինը Հասան-Ջալալյան Աթաբակի որդին էր՝ ըստ իր իսկ արձանագրության. «Ես՝ Այտինս, խիմշէս՝ որդիք Աթաբակին...», — քանդակել է նա Ջեթ (1495) թվականին³⁷:

Սալտու-Սեյտի անունը ևս խորթ չէ Հասան-Ջալալյան տոհմին: Գանձա-

30 Շահաթուսեանց, Բ, էջ 374—375:

31 Արցախ, էջ 187:

32 «Գանձասար», № 21: Գ. Կիրակոսյանը, խոսելով Ջազայի և նրա ժամանակի անցուղարներից, այն կարծիքն է հայտնում, թե Ջալալը Ջազային է հաջորդել, զբաղի որ Ջազայի եզրայրները, ինչպես նշում է գրիչը, գտնվում էին անօրենների ձեռքում, իսկ նրա որդիները, հալանարար, անշահա հին, այդ պատճառով իշխանությունն անցել է Ջալալին: Ջալալն իշխել է մինչև XV դարի 40-ական թվականները...» (տե՛ս Լրաբեր, հաս. գիտ., 1969, № 5, էջ 89): Սակայն հենց սրանից առաջ ինքը՝ Գ. Կիրակոսյանը խոսել էր 1383 թ. հիշատակարանով նշված Ջալալի իշխանության մասին (նույն տեղում, էջ 88) և ապա՝ 1431 թ. մահացած Ջալալի իշխանությունը չէր կարող շարունակվել մինչև նույն դարի 40-ական թվականները, որքան էլ 1456 թ. կամ նույնիսկ ավելի ուշ Հասան-Ջալալյաններին վերաբերող նյութերում հիշատակվի նրա անունը (նույն տեղում, էջ 89—90), 1456 և 1471 թթ. նրա անունը տրված է սոսկ որպես մի նախորդի, որի ժառանգները կանգնած են իշխանության գլուխ:

33 Արցախ, էջ 187:

34 Նույն տեղում:

35 Նույն տեղում:

36 Մատենադարանի ձեռ. № 8689, Բ. 88բ, հմմտ. Ժն, Ա, էջ 194:

37 «Արցախ», էջ 177:

սարի մի արձանադրությամբ Սայտունը հայտնում է. «...նա՝ Սայտունս, որդի ողարոն Ադրաստի, տվի իմ հայրենեացն զՏանձաձոր ի սուրբ ուխտս Գանձասարայ...»³⁸։ Ադրաստի ով լինելու հարցին սպառնալիքներով տալիս վերոհիշյալ դիրք՝ հորինված տոհմակիցների հողային վեճի առթիվ։ Վեճը հարթող իշխանասպետն էր պարոն Ադրաստը, որն իրեն ներկայացնում էր որպես «որդի ճալալին» (Ջալալ Մեծ)³⁹։ Այսպիսով, Ջալալ Մեծի որդին Ադրաստն էր, իսկ Ադրաստի որդին՝ Սայտունը։

Ուրեմն, այս անունները, որոնք Հասան-Ջալալյան իշխանական տան XV դ. հավաքական սյատկերն են տալիս, դարձյալ գալիս են հաստատելու այդ տոհմի անկանգ հուղվույթն իր տիրույթների վրա։

XV դ. սկիզբը ոչինչ չէր փոխել հաշենի իշխանության երկու ճյուղերի միմյանց հարաբերություններում։ Դարձյալ գերադաս էին Հասան-Ջալալյանները, և Մարա Դուխանները ենթակա էին նրանց։

1411 թ. Մարա Դետամիջի վանքում Թովմա Սյունեցու գրած հիշատակարանը հենց այդպես էլ ներկայացնում է վիճակը։ Ներքին հաշենի տեր Զադան (Հասան-Ջալալյան) համարված է ամբողջ հաշենի ու Մարա տանուտերների (իշխանավորների) գլխավորը։ Հիշատակագիրը պարտք է համարում բարի խոսքով հիշել իր պատվիրատուներին՝ Մարա իշխանական տան կենդանի ներկայացուցիչներին, ապա՝ «յիշատակ եղիցի և ի սմա աղատացն տանս Դաւրեան, նախ՝ ամենայն օրհնութեանց արժանաւոր պարոն Աթաբակին և այլ ամենայն ազատաց։ Եւ և յիշել ի տէր զամենայն տանուտեարսն աստուածաշէն Լրկրիս Մարայ, Եւս Զազիւ...»⁴⁰։

Ուրեմն, Զադան հաշենի ամենայն տանուտերների շարքում նախապատիվն էր և 1411 թ. կենդանի էր։

Սակայն ինչու՞. Ջալալի իշխանությունն ընդմիջվել է Զազայի՝ շուրջ մեկ տասնյակ տարիների իշխանությամբ։

Մատթևոս Մոնղոզնի պատճառաբանությունը 1417 թ. առումով, թե «Ջալալն և որդիք նորին... ևն ի ներքու ձևոին անօրինացն», կարող է նշանակել և՛ օտարների տիրապետության տակ գտնվել, և՛ գերություն, բացակայություն հաշենից։ Հայտնի է, որ բնակչությանն ու իշխանազուններին գերեվարում էին ոչ միայն Կարա-Յուսուֆի ժամանակ, այլև նրանից առաջ, իշխանազուններին՝ հատկապես, որովհետև այս վերջիններից էր, որ կորզում էին մեծ փրկագին։ Հնարավոր է, որ հենց այդ ամբողջ ժամանակ էլ Ջալալը գերության քված լիներ, մի հանգամանք, որ տոհմակից Զազային իրավունք կրտար վարելու իշխանությունը։

Զադան Ջալալի տոհմից էր՝ հասկանալի է։ Հիշատակագիրը խոսելով նրա մասին, ավելացնում է՝ «յադգէ սորին Ջալալն»։ Սակայն, հավանաբար, Լղբայրը չէր։ Այլապես այսքան մոտիկ արյունակցությունը կնշվեր տեղացի հիշատակագրի՝ կողմից։ Կարծում ենք, նա եղել է Ջալալ Մեծի հայր Աթաբակի Լղբայրը։ Այս կերպ նա կարող էր ունենալ Ջալալ անունով որդի և, եղբայր

³⁸ Նույն տեղում։

³⁹ Նույն տեղում, էջ 187։

⁴⁰ «Ժն, Ա», էջ 122—123։ Առաջին ընդօրինակող փրկալեմյանը (Նոտաբք, էջ 40) «Զադին»-ի տեղ կարդացել է «Զազիկ», որ, կարծում ենք, ճիշտ չէ, քանի որ սա ուրիշ մարդ չէր, քան Ներքին հաշենի տեր Զադան։

Աթաբաղի որդի Ջալալից տարբերելու համար էլ, սրան պիտի կոչեն Ջալալիդավլէ:

Այսպիսով, Աթաբաղ Բ-ն ունեցել է Ջազա, էլեգում և էլեգան եղբայրներ: 1417 թ. առաջ Ջազան մահացած էր, իսկ մյուս երկուսը գտնվում էին թի ներքոյ ձեռին անօրինացնա:

Ջալալ Մեծ (մահացած 1431 թ.) իշխանն ունեցել է շատ որդիներ, որոնցից աղբյուրները հիշում են Աղբաստին, Մեջլիսին, Աղեկին, Ամիր-Հասանին, Հովհաննեսին, Վարդանին: Դարավերջին վերաբերող նյութերում հիշատակված է նաև մի Աթաբաղ, որ, հավանաբար, նրա որդին է եղել, քանի որ Ջալալն իր որդիներից մեկին անպայման պետք է կոչեր իր հայր Աթաբաղի անունով:

Ջալալ Մեծ իշխանին հաջորդեց Աղբաստը՝ մի ակնառու գործիչ, որի մասին աղբյուրները խոսում են պատկառալից մեծարանքով:

Մեզ հասած վիճագրական առաջին տեղեկությունն Աղբաստի մասին՝ Ջալալի որդի Վարդանի նվիրատվությանն է վերաբերում. «Ես տէր Վարդան... տվի Մակ խաչին հողն ի սուրբ ուխտս Գանձասարա յիշխանութեամբ Աղբաստու... թվին ՊՂԲ» (1443)⁴¹:

Աղբաստին վերաբերող հաջորդ հիշատակությունը մեզ է հասել վերոհիշյալ հողային վեճի առիթով: Հասան-Ջալալյան տոհմի երկու պայազատներին՝ Ջալալի թոռ, Մեջլիսի որդի Ուլուբեկի և Արղութինի թոռ, Մեհրապի որդի Շահանշեհի միջև սահմանային վեճ էր ծագել: «Մեր հայրենեացս մէջն խաւաք իլաւ, պարոն Ուլուպէկին թալեղ մէկ մարդ մեռաւ» (ամեր հայրենիքների վրա վեճ եղավ, պարոն Ուլուբեկի կողմից մի մարդ մեռավ): Եվ այս վեճը լուծելու համար երկու կողմերը գնացին Աղբաստի մոտ: Աղբաստը, նախ, «երեք սահրատին վեր արին կապեց»⁴², ապա սահմանեց յուրաքանչյուրի հայրենաբաժին հողամասերի սահմանները (բոլորը գտնվում էին Առաջածոր գյուղի շրջակայքում, Գանձասարից արևելք):

Այս գործարքի վկաներն են՝ Գանձասարի վանքի առաջնորդ Եղիան, Ջալալի որդի Հովհաննես կաթողիկոսը («թոռն Մեծին Աթապէկին»), Ջալալի մյուս որդիները՝ Աղբաստը, Աղեկը, Ամիր-Հասանը, Տուրսունի որդի Միրզալին (հիշում՝ Միրզաբեկ, որը մի արձանագրությամբ հաստատվում է որպես Ջալալի թոռնորդի)⁴³ և Պաստամը: Թիվն էր ԶԵ (1456)⁴⁴:

Վերջում, առանց հայրանվան հիշատակված Պաստամը ևս Ջալալ Մեծի որդին է եղել: 1471 թ. նա Գանձասարի ուխտին է նվիրել «Կոնճի հողին կալէն վերն»՝ ներկայանալով որպես «Պաստամ որդի Մեծին Ջալալին»⁴⁵:

Ուրեմն, Գանձասարի վանահայր Եղիայից բացի, մյուս բոլորի Հասան-Ջալալյան տոհմին պատկանելն անառարկելի է: Հավանաբար Եղիան ևս նրանց տոհմակիցն է եղել, որովհետև, ինչպես վերն ասացինք, XIII դ. վերջից սկսած Գանձասարի առաջնորդությունն այդ տոհմի ժառանգական արտոնությունն էր հանդիսանում:

⁴¹ «Գանձասար», № 22:

⁴² Ըստ երևույթի նշանակում է՝ արյունհեղությունը վերջ տվեց, կամ թերես, որևէ սովորություն է եղել բարձուն կապելու, որով վերջ է տրվել կովին:

⁴³ Արցախ, էջ 176:

⁴⁴ Նույն տեղում, էջ 187: Մակար Եպիսկոպոսն այս հիշատակարանն արտագրել է Առաջածորի էկեղեցու մի ձեռագիր Աստվածաշնչի Հոտի գրքի վերջից:

⁴⁵ «Գանձասար», № 25:

Հովհաննէս կաթողիկոսն Ազվանից հայրապետութիւնը վարել է երկար տարիներ. նրա կաթողիկոսութիւնն առաջին անգամ հիշվում է 1428 թ.⁴⁶ յայշ-խարհիս Աղուանից, ի վիճակս Ամարասաւ, ի դեղս Շոշու կոչեցեալ՝ գրված Ռի ավետարանի հիշատակարանում⁴⁷:

Հետո գրիչները նրա հայրապետութիւնը հիշում են 1456⁴⁸, 1464⁴⁹, 1466⁵⁰, 1468⁵¹ թթ.:

Այս ժամանակներում Ազվանից կաթողիկոսական աթոռը դեռևս Մեծա-ռանից սուրբ Հակոբա վանքում (այժմյան Քոլատակ գյուղի մոտ) էր գտնվում: Հովհաննէսն այնտեղ կանգնեցրել է մի փառահեղ հաշքար (1469 թ.): Այդ յայշարն առաջին անգամ մասամբ նկարագրել և գիրը լրիվ արտագրել է խաչիկ վարդապետ Դաղյանը՝ ժնս տր Յոհաննէս կթկս որդի Զաւալին մեծ իշխանի կանգնեցի զխաշս ի փրկութի հոգոյ իմոյ: Որք երկիրպագէք, աղաթս յիշեցէք թվ. ԶԺԸ» (1469)⁵²:

Առ Հովհաննէս կաթողիկոսի վերջին արձանագրութիւնն է՝ Նա մահացել է հաջորդ տարին և թաղվել ս. Հակոբա վանքում: Նրա հուշարձանի վրա այժմ էլ ընթերցվում է տապանագիրը. «Այս է հանգիստ տր Ովհանէս կթղս Ազվա-նից թվ. ԶԺԹ» (1470)⁵³:

Ինչո՞ւ է հայտնի Առաջածորի հիշատակարանում թվարկված մյուս անունները՝ Աղեկի ու Ամիր-Հասանի մասին ալլուր տեղեկութիւններ չկան:

Վարդանը հոգեւորական էր՝ ըստ իր մի նվիրատվական արձանագրութեան (1443)⁵⁴:

Անմիջապէս Մեջլիսին վերաբերող տվյալներ չկան: Բայց նրա որդի Ուլու-րեկը ղեկու 1407 թ. Դանձասարին նվեր տալու առթիւ թողել է հետեւյալ ար-ձանագրութիւնը. «...նս Ուլուբէկս՝ որդի Մեջլիսին, տվի զիմ հայրենի հողն Ղուղտանոսի կտուրն, որ ի Վարդան բերանցէ իւր սարհատովն ի սբ ուխտս Դանձասարայ իմ հոգւոյ յիշատակ: յառաջնորդութեան Մատթէոս վարդապե-տին և իշխանութեան Զաղին... ՊԾԶ (1407) թվին»:

Այս արձանագրութիւնն արտագրել է միայն Հովհ. Շահխաթունյանցը⁵⁵ և այն էլ Սուրի Հասան-Զաւալյանց կաթողիկոսի ձեռագիր տետրակից: 1431 թ. մահացած Աղապատի թոռ Ուլուբեկը դեռևս 1407 թ. հողամաս է նվիրել վանքին՝ իր «հոգւոյ յիշատակ»: Սա կարող է թյուրիմացութիւն համարվել: Սակայն հանդամանքները դալիս են հաստատելու, որ թյուրիմացութիւն չկա: Ուլուբեկը որդին էր Մեջլիսի և, ինչպէս Առաջածորի հիշատակարանն է հաս-

46 Մատենադարանի ձեռ. № 8211, հմմ. «ԺԵ, Ա», էջ 384:

47 Մատենադարանի ձեռ. № 9223, Թ. 2աւ Հմմ. «ԺԵ, Ա», էջ 66:

48 Մատենադարանի ձեռ. № 8453, Թ. 200րւ Հմմ. «ԺԵ, Ա», էջ 219:

49 «ԺԵ, Ա», էջ 244: Նույն տեղում, էջ 245. Լեղանի ս. Աստվածածին վանքում գրված անթվակիր մի ձեռագրի հիշատակարանի տվյալներից ելնելով՝ Լ. Ս. Խաչիկյանն ավետարանի ընդհանրական տարի է համարում 1466 թ.: Այստեղ ես հիշատակված է Հովհաննէս կաթողի-կոսը:

50 Գ. Ռ. 2. Համադասույ Ոսկյան, Արցախի վանքերը, Վիեննա, 1953, էջ 162. «Ի թվ. հալոց ԶԶէ» հեղինակը կարգացել է 1467, որն ուղղել է Լ. Ս. Խաչիկյանը՝ 1468 թ. (տե՛ս ԺԵ, Ա, էջ 272):

51 «Բանասեր», 1901, հ. III, պրակ Բ, Գ. էջ 138:

52 «Բանասեր», էջ 139:

53 «Գանձասար», № 22:

54 Շահխաթունյանց, Բ, էջ 374—375:

տատում, է՛ր նաև «Թոռն Մեծին Ճալալին»։ 1407 թ. սխալ չի կարելի համարել, որովհետև նվիրատվությունը կատարվել է Մատթեոս Մոնոզոնի առաջնորդության օրոք և հատկապես Զազայի իշխանությունում։ Իսկ Զազան 1417 թ. մահացած էր արդեն։ Նշանակում է Աղբաստին է՛լ էր երկարակյաց, նրա թոռ Ուլտբեկն է՛լ. պապն իշխանության գլուխ էր դեռևս 1383 թ. և մահացավ 1431 թ., իսկ թոռը, որ 1407 թ. հասուն մարդ էր ու նվեր էր տալիս վանքին, 1456 թ. դեռևս կենդանի էր և հողալին վեճ ունեւր տոհմակիցների հետ։

Միրզաբեկը հիշատակարանի տվյալով՝ Տուրսունի որդին էր։ Ո՛վ էր Տուրսունը։ XV դ. կեսերին Մարա ճյուղում կար մի Տուրսուն՝ որդի Աղբուղին և հայր Այտինի⁵⁵։ Սակայն ներքին խաչենի Տուրսունի մասին ունենք նաև անմիջական տեղեկություն՝ Գանձասարի վանքում իր իսկ թողած արձանագրությունից. «Ես Տուրսուն՝ թոռն Մեծին Զալալին, տվի Մսերսին հողն ի սբ ուխտըս Գանձասարայ առաջնորդութեամբ տր ներսէսի... ԶԽԲ (1493) թվին»⁵⁶։

Այստեղ ևս ժամանակագրական հետաքրքիր պատկեր է ստացվում. հայր Տուրսունը վանքին նվեր է տվել 1493 թ., իսկ նրա որդի Միրզաբեկը 1456 թ. արդեն այնքան հասուն մարդ էր, որ կարող էր հողային վեճ լուծելուն մասնակցել։ Տարօրինակ է, սակայն ոչ անհավանական, որովհետև խաչենցիների երկարակեցությունը հայտնի իրողություն է։

Մեծն Զալալին 1431 թ. փոխարինել էր Աղբաստին էլ 1456 թ. հետո փոխարինեց նրա ավագ որդի Սայտունը։ Ըստ երևույթին նրա ոչ այնքան տևական իշխանապետությունը նախորդների փառքն ու հզորությունը չի ունեցել։ Բայց այս առթիվ դժվար է վճռական խոսք ասել, քանի որ շուրջ մեկ տասնամյակ ընդգրկող այն ժամանակահատվածը, որ կա նրա հոր մասին պահպանված վերջին հիշատակության և նրա միակ անմիջական արձանագրության թվականի միջև, այնքան զուրկ է մատենագրական ու վիճագրական նյութերից, որ նույնիսկ նրա տոհմային հոգևոր կենտրոնում՝ Գանձասարում որևէ էական արձանագրություն չի թողել։

Սայտունն ունի միայն մի արձանագրություն Գանձասարի վանքում. «Ես Սայտունս՝ որդի պարոն Աղբաստին, տվի յիմ հայրենացն զՏանձաձոր ի սուրբ ուխտս Գանձասարայ առաջնորդությամբ տէր Նղիային թվիս ԹՃԺԶ» (1467)⁵⁷։

Հնարավոր է, որ 1467-ին հաջորդող տարիներից մեկում էլ մահացած լինի Սայտունը, որովհետև 1471-ին գրված արձանագրություններում նրա անունը չի հիշատակվում։ Այս թվականից նվիրատվական երեք արձանագրություն կա։ Մեկը պատկանում է Պուաաղին ու Վախտանգին⁵⁸, երկրորդը՝ պարոն Փիրհամզի որդի Սմպատին⁵⁹, իսկ երրորդը՝ Զալալ Մեծի որդի Պաստամին⁶⁰։

55 ՏԿ՝ Արցախ, էջ 208։

56 «Գանձասար», № 28։ Շահաթունյանը (Բ, էջ 375) ԶԽԲ-ն կարդացել է 1463։

57 «Գանձասար», № 23։ Արտագրողներն այս արձանագրությունն ընդօրինակել են ազավաղումներով. Շահաթունյանցն արտագրել է ծաայի կաթողիկոսի տետրակից՝ նկատի առնելով սոսկ բովանդակությունը, Զալալյանը (Ա, էջ 185—186) թվական չունի, «Աղբաստինի» փխ. «Աղպատա», Արցախում թվականը «ԹՃԾԶ» է (1507), որ ակնհայտ սխալ է, քանի որ Ժ-ն տեղում պարզ երևում է։

58 «Գանձասար», № 24։

59 Նույն տեղում, 26։

60 Նույն տեղում, 25։

Վերը տեսանք, թե ով է եղել Պաստամբու Կոնկրետ տեղեկություններ չը-
կան մյուսների մասին։ Առաջին երկուսից «Վախտանգ» անունը հուշում է, որ
կարող է պաականել Վախտանգ-Տանկիկից սերված ճյուղի որևէ երկրորդա-
կան սլայադատի։ Իսկ «Սմայատ որդի պարոն Փիրհամդի» մասին դժվարանում
են որոշակի խոսք ասել առկա նյութի հիման վրա, որովհետև այս ժամա-
նակներում հաշնի տարածքում հիշվում են նշանավոր (իշխանադուն) մի
քանի Փիրհամդաներ, որոնցից ամեն մեկի որդին էլ կարող էր Գանձասարի
վանքն ուխտ գնալ և սիրարանել նվիրատվություն⁶¹։

Սայտուն իշխանին (կամ այս ժամանակներում առավել գործածական տեր-
մինով՝ պարոնին)⁶² փոխարինեց նրա որդի Վելիջանը։ Դժվար է ասել՝ թե ո՞ր
թվականից, Սակայն 1473 թ. նա արդեն պարոն է հիշված։ Այդ թվականին
հաշնաձորի Դիտամիշի ս. Աստվածածին վանքում ընդօրինակված ավետա-
յանի գրիչն իր ժամանակը նշում է որպես թի տէրութեան տեղույս պարոն
Վելիջանին⁶³։

Պետք է ուշադրություն դարձնել այս կարևոր հանգամանքի վրա. Գետա-
միշի ս. Աստվածածին վանքը Մարա ճյուղի երկրորդ հոգևոր կենտրոնն էր
ինչպես XV դ., այնպես էլ նրանից առաջ ու հետո։ Եթե այնտեղ գրվող հիշատա-
կարանում «տեղույս տէր» է համարվում ներքին-խաչենցի պարոն Վելիջանը,
մանավանդ այն պարագային, երբ Մարա ճյուղն ինքն արդեն բաժանվել էր մանր
ոստերի⁶⁴, պարզ է, որ ներքին հաշնի տերն է եղել ամբողջ հաշնի գահե-
րեց իշխանը։ Մի հանգամանք, որ նկատեցինք նաև նախորդ դարի իրողու-
թյուններում, հակառակ վերոհիշյալ հետադարձության այն պնդումի, թե ներ-
քին հաշնն այդ ժամանակ, իբր, անցել էր Մարա տեր Դոմիյանների իշխանու-
թյան տակ։

Վելիջանի անունից առաջին արձանագրությունը Գանձասարում 1480 թ. է։
Նա վանքին նվերներ է տվել իր և եղբայրների անունից, սակայն հիշել միայն
իր անունը. «... Ես Վելիճան եւ եղբայրքս իմ՝ որդիք Սայտունին, թողն Մեծին
Աղայատուր տեառն հաշնո, տուաք Ալմաճայ իւր Դ (4) սահմանան ի սուրբ
ուխոտ Գանձասարայ առաջնորդութեամբ տէր ներսէսի թվիս Զիթ»⁶⁵։

61 հաշնի ու Գեղարքունիքի Փիրհամդաների մասին՝ տե՛ս Դոմիյանք, էջ 99—100, Ս.
Րարիուզարյան, Գեղարքունիքի մելիքները և տանուտերերը ըստ Տաթևի վանքի մի
փառաթղթի (Երաներ մատենադարանի, 1967, № 8, էջ 194—197)։

62 Կիլիկյան հայոց թագավորության ժամանակից սկսած՝ գործածական էր ֆրանսերեն
«baron»-ի հայացված «պարոն» ձևը, որ նշանակում է տեր, իշխան, ազնվական-ավատապետ։
Հետագայում աստիճանաբար այն դարձավ հարգելի վերաբերմունքի արտահայտություն՝ սո-
վորական պատվանուն, որով կարող են կոչել ոչ միայն ազնվական ծագում ունեցողներին (տե՛ս
Հ. Աճառյան, Հայերեն արժատական բառարան, Նրևան, 1931, էջ 993—995)։

Քննության առնվող արձանագրություններում, ի՞նչ խոսք, որ «պարոն» գործ է ածված
միայն իր նախատեղծ իմաստով՝ իշխան, իշխանապետ։

Նկատելի է նաև, որ հիշյալ տիտղոսով պատվում էին ոչ միայն աշխարհիկ իշխանավոր-
ներին, այլև հոգևոր բարձրաստիճան գործիչներին։ Սարգիս գրիչը հաշնաձորում ընդօրինակած
ձեռագրի հիշատակարանում հիշում է մի բարեպետիկոպոսի, որ վառեալ շահ է եկեղեցւոյ, պա-
րոն տէր...» (Արցախ, էջ 247; Հմմտ, Ժն, Բ, էջ 344)։

63 Արցախ, էջ 247, Ժն, Բ, էջ 344։ Արցախում թվական է նշված Զեթ (1493)։
Լ. Ս. հաշնկյանի իրավամբ այստեղ նկատել է ի և ն տառերի շփոթություն, հաշվի առնելով,
որ Զեթ (1493)-ին հիշատակարանում հիշված Ուղուն Հասան խանն ու Արիստակես կաթողի-
կոսն արդեն մահացած էին։

64 Տե՛ս Մատենադարանի ձեռ. № 7821, Թ. 2բ։

65 «Գանձասար», № 27։

Վելիչանի մի այլ արձանագրությունն էլ 1507 թ. է, որ նշանակում է, թե նա շատ երկար է իշխել՝ ամենաուշը XV դ. 70-ական թվականների սկզբից մինչև XVI-ի առաջին տասնամյակի վերջը՝ շուրջ 40 տարի: 1507 թ. նա խաչ է կանգնեցրել, որի արձանագրությունն է. «Ի թվիս ԶԾԶ... ես Վելիճանս՝ որդի պարոն Սայտունին, թոռն Մեծին Աղբաստոյ կանգնեցի (գ)խաչս...»⁶⁶,

Նախորդ արձանագրությունից գիտենք, որ Վելիչանն ունեցել է նաև եղբայրներ: Նրանցից միայն մեկի անունը հայտնի է մի արձանագրությունից, որ դարձյալ գտնվում է Գանձասարում. «... Մեղիբս՝ որդի Սայտունին, թոռն Մեծին Աղպաստու, տվի շուրջար, ըսկի ու այլ ընծայ կակաչանց, Փուտուռանուց, Մաղկաւանց Բ ըստակն գնեցի, տվի ի սուրբ ուխտս Գանձասարա թվիս ԶԽԸ» (1490)⁶⁷,

Վկայակոչված վիմագրական ու ձեռագրական փաստերը հաստատում են, որ Նեբրին իսաչենի իշխանությունը մոնղոլական տիրապետության շրջանի ու դրան հաջորդող ժամանակների հայկական այն եզակի վարչական միավորներից էր, որոնք պահպանեցին իրենց գոյությունը: Նկատելի է նաև, որ այդ իշխանության ներկայացուցիչներն են եղել ամբողջ իսաչենի տարածքի գահերեց իշխանները: Հենց այդ իրողությամբ էլ պիտի բացատրել, որ XV դարից սկսած՝ Նեբրին իսաչենի տեր Հասան-Ջալալյան տոհմի պայազատներին անցավ նաև Հայոց արևելից կողմանց կաթողիկոսական գահի ժառանգական արտոնությունը:

КНЯЖЕСТВО НИЖНИЙ ХАЧЕН В XIV—XV ВВ.

Б. А. УЛУБАЯН

Резюме

Накануне монгольского нашествия Хаченское княжество разделилось на три ветви: Нижне-Хаченская, Хатеркская и Верхне-Хаченская или Царская. Хатеркская ветвь постепенно утратила свои позиции, а Нижне-Хаченская и Верхне-Хаченская, превратившиеся в самостоятельные княжества, выдержали трудные испытания, причиненные монгольскими, тюркскими и персидскими завоевателями.

На основе рукописей-хроник, созданных в XIII—XV вв., памятных записей и лапидарных надписей мы приходим к следующим выводам:

а) княжение представителей дома Хасан-Джалалянов в течение указанного периода не прерывалось;

б) владения Нижне-Хаченского княжества, даже частично, никогда не переходили в руки верхне-хачеицев;

в) XIV—XV вв. сюзеренными князьями на территории всего Хачена являлись Хасан-Джалаляны, которым, в силу сюзеренства, перешла также верховная духовная власть края; в XIV в. католикосат Агванка стал наследственной прерогативой Хасан-Джалалянов.

⁶⁶ «Գանձասար», № 32:

⁶⁷ «Գանձասար», № 31: